

IV. (26)

Jacob Kampe antwortet dem H. A. auf dessen Brief, den Jacob Ditterich betreffend, mit dem Hinweis auf die beigelegte Copie zweier Briefe an den König von Daenemark. Es folgen politische und commercielle Nachrichten. 1543. Den andern Sonnabend in der Fasten. 24. Februar. Danzig.

Ad. Dem Durchlauchtigsten Hochgebornen fürsthen hern vnd hern Albrecht von gottis ge[noden] Marggraff Czw Branden[burgk] vnd In preusen herzoge meynem genedigen [hern].

Aller Durchlauchtigsthe großmechtige genedige herre Ewer fürstlichen genoden gesuntheit vnd gluckselige wolffarth mith Sampth alle Den Ewren hore Ich allezeith gern als von meynen genedigenn herrenn.

Alßo thu ich E. f. genodenn Dinstbarlich Czu wissenn Das Ich hir E. f. genodenn Briff Bey Magister Jacop von Barthenn Enthfangenn habe wy mir Den E. f. g. Schreybeth von Jacop Ditterich Der denne kon. Maj. In Dennemarckenn Meynem genedigenn herrnn hoth angetragenn Das er Eyne wasser kunsth welde machen vnd wolde Das wasser vff Das Schloß czw kopenhagen leythen vnd Das er Do Czw Dorffte Czwe hunderth feychtenn gebarthe Rören vnd hoth vor E. f. g. gesageth Das er hir vber Drey wochenn vorharreth hoth Das Denn Szo nicht gesehen isth vnd er hoth Solches vnd mher E. f. g. alczw mylde angetragen vnd gesageth vnd ich weyß nicht eb er hir achte tage In Der Stadt gewesen isth waß magk er Den Sagenn Das er hir so lange gewesen isth vnd Doczw weyß ich nicht eb er solche wasser kunsth vff Das schloß czw kopenhagenn wirt konnen Czw vollenbrennenn vnd ahne großenn Schaden vnd vnkosth Dy do vff gehenn wurden vnd wy Ich Den das kon. Maj. In Dennemarcken meynem genedigenn herrnn In Czwe Brifen czw geschrybenn habe auß welchen Briffen ich nw E. f. g. Die kopie Schicke dy magk E. f. g. vberlesen lossenn vnd wen ich waß guttes werde horenn das wil Ich E. f. g. gern Dinstbarlich czw wissenn thun eb goth wil.

—. hie isth nw nicht Sundriges von czeitunge Den das hir her kurzlich geschribenn isth von hamborgk also das dy hamborger vber Czwe Tausenth Boesleute¹⁾ vnd knechte Boreyth haben Czur Szewarth²⁾ widder die Burgundisschenn vnd hollanders Czun orley³⁾ vnd Das auch Der herzogk von klebe vnd gelderenn In Die funffzigk Tausenth Reuther vnd knechte hoth vnd hoth Den Burgundisschenn großenn Schadenn vnd abbruch gethonn vnd haben Do In Denn landenn fyle Branthschaczunge

1) Botsleute.

2) Seefahrt.

3) Krieg.